

**Onjila itwala
omuntu
ku Huku**





©2013 World Missionary Press, Inc., Okapa oya Edwin B. Wallace.
Ovililimbe oya Meryl Essenwein vina vikahi monopasina 10, 12, 14,
16, 27, 29, 39, 41, 42, 46, 47 na 48.

HUKU WATUNGA OUYE WETU NOVIPUKA AVIHO VIKAHIMO

1

“Kehimbikilo, Huku watunga eulu nohi.”

—Ehimbikilo 1:1

**“OmuE Huku atunga ovipuka aviho, vili meulu
nopohi.”**

—Ovakolose 1:16

**“Tatekulu watunga eulu nohi vyavela elao. Eulu
olya Tatekulu vala, ohi eyavela ovantu.”**

—Osalumu 115:15,16

Ohi anko ikahi nawa eci Huku eyavela omuntu. Tanga okalivulu aka oco unoñgonoke eci camonekele.



“Pahe Huku ati: ‘Tutungei ovanu velifwa noontwe, vena olupe lwetu. Vakatumina onohi noviila novipako.’”

OMUNTU AKALA PAHE UNA OMWENYO

3

**“Tatekulu Huku watunga omulume nombuma yeheke.
Afili momayulu ae omwenyo ngooco akala nomwenyo.”**

—Ehimbikilo 2:7

“Tatekulu Huku ati : ‘Kacikahi nawa omulume okukala vala aike. Manjimulingila umwe memukwatesako, wokwemuta nawa nawa.’ ...Ya pahe Tatekulu Huku ape empoki limwe enene omulume. Eci elele Huku ponompoti mbae apolopo lwike, apa elupola ahitikapo nohitu. Nolupati olo, Huku atungu omukai emutwala komulume.”

—Ehimbikilo 2:18,21,22

Omwenyu cilekesa okuti tukakala pompangu imwe apeho.

4 ANDAU NA EVA VAPONDAKANA HUKU



Nii katupondola okutehela kondaka ya Satana.

**“Pahe Huku Takekulu apake omulume mo citaka co 5
Endene, emululika okuciyunga nokucilima. Tatekulu pahe
emupe ocitumino eci: ‘Upondola okulya ovinyango aviho
vili mo citaka, ati wahalye ociinyango comuti wo
kukungunyika ociwa nocivi. Wahalye ocinyango co muti
oo; ontiki mokalyako, cili cili, mokankya.’”**

--Ehimbikilo 2:15-17

**ONYOKA, ITIWA TUPU ELYAPU INE O SATANA, LYA-
VYALELE KOUTUMINI WAHUKU NOKUPOPYA OMATUTU.**

**“Ngwe aiti mukai: ‘Onwe kamamunki ale!’ ...Omukai
okuleuka komuti weutala omuwa novinyango vyaco oviwa
nokuliwa. Monondunge mbae akala nolusoke lwokupeleya
ekungunyiko. Ya pahe anyange ocinyango caco ecili;
apevo omulume wae nae ali.”**

--Ehimbikilo 3:4,6

6

ANDAU NA EVA KAVAPONDOLA OKUKALA VALI MOCITAKA OCIWA



“Oco Huku Tatekulu ataata omuntu mocitaka co Endene, emupake movilinga vyokulima eheke oku atuka... Apake koutundilo wocitaka onokelumbii nomutunga una otupya uliseta seta onontele ambuho. Huku wecilingila naa pahamoneke omuntu mafwenaina popepi yomuti womwenyo.”

—Ehimbikilo 3:23,24

CAKALA ONTIKI IMWE IHUVISA KOVANTU ECI ANDAU NA EVA VAPENGESA

7



“Kombanda yomuntu wike vala onkali yanyingila mouye, mokonda yonkali ononkya mbeya, pahe ngooco mbaoya kovantu aveho, mokonda aveho vapengesa.”

—Ovalomanu 5:12

Ocimwe cina yokuhinangelwa.

Omuntu ociitwa nontuko yonkali ontiki imwe makankya mokonda ononkya mbeya mokonda yonkali. (Tanga vali Ovalomanu 5:12).

**8 OMPANGO YA HUKU YOKUTUYOVOLA
KONKALI OKWATUMINE
OMONA WAE WONGUNGA**



**“[Maliya] oe makakutula
omona womukwenje, ove
kemuluke enyina litiwa
Yesu, mokonda
ukayovola ovanu
kononkali mbavo.”**

–Mateu 1:21

Opo akale pokati kovantu Omona
waHuku, ukakala ngomona womuntu.

**“Pahe mu Kilisitu, ngolutu lwohitu, omo muvasiwa ovicali
aviho vya Huku.”**

–Ovakolose 2:9

YESU O HUKU—MOLUPE LWOMUNTU

9

“Koncimbikilo wali Ndaka, Ndaka anko vena Huku, Ndaka anko o Huku. Ndaka walinga omuntu wakalele pokati ketu; ontwe twamona ouhilivikwa wae, ouhilivikwa uhivilwa kOmona wae wongunga, wayula ocali nocili.”
—Njwau 1:1,14

“Aciho eci calingwa opo cifwisepo eci Tatekulu apopile kononkwanangolo ati: ‘Tala, omumpembela ukalinga omuntimba akakutula omona womukwenje; ukalukwa okuti Emanwele.’ Cinoñgonoka okuti: ‘O Huku kumwe nontwe.’”
—Mateu 1:22,23

“Oco twakutulilwa Omukwenje, twapewa Omona; outumini ukahi komapepe aE; enyina IyaE likatiwa; OWomahuviso, OWondonga, OHuku Wapama, OTate ya Apeho Apeho, OLombe LyE tuLiyo.”
—Isaiya 9:6

YESU KILISITU— EKOMBANYENGO LYETU LYAFWAPO

“Una waha noñgononkele nonkali....” —2 Ovakolindiu 5:21



“Oe kalingile onkali naimwe....”

—1 Petulu 2:22

Nalimwe ekombanyengo anko omuntu apondola okulinga lyafwapo okuti lipolapo onkali.

“Mokonda ohonde yonongi noyo nontwei mbonongombe aipondola okupolapo ononkali.”

—Ovahevelu 10:4

Yesu Okangi ka Huku (ekombanyengo). **“Ou oe Okangi ka Huku upola ononkali mbouye!”**

—Njwau 1:29b

Yesu wapapelelwe kekulusu mokonda ovantu onko vemuyele. **11**
Pwaina ononkya mbae anko ombompango yaHuku. Yesu welihindila okupakula omwenyo wae mwene oco ayovole ame nove kononkali mbetu.

Yesu ati: **“Nawike upondola okumpola omwenyo; Ame mwene njilipolao. Njina evililo lyokuuyeka tupu njinavo lyokuweta vali. Eci oco ocitumino natumwa naTate.”**

—Njwau 10:18

TWAYOVOLWA NOHONDE YONGI YA HUKU

“Onwe noñgonokei okuti mwahukululwa kouvi kwahasilivila wovakulu venyi; hanondandoko yovipuka vyahasilivila ngeeci opalata pamwe oulu, ... pwaina onohonde ikola ya Kilisitu, ngoyoci keta congii cehecintembya.”

—1 Petulu 1:18,19

KUTUPU EKOMBANYENGO NALIKE LIPONDOLA OKUPOLA ONKALI

“...Twakohwa kononkali mokonda yocali caE alingile like vala kovantu aveho.”

—Ovahevelu 10:10

12 “Pahe pokwatavelwa na Huku mokonda yononkya mba Kilisitu mekulusu tukayovoka konyengo ya Huku.”

“Yesu, kancinangelevo cina ukahika mouhamba wove.”

—Luka 23:42b

—Ovalomanu 5:9

Ocimpulu eci catavel ku Yesu aciyovoka.



“Njikupopila cili okuti: Hono umwe ukakala nAme mompangu ongwa.”

—Luka 23:43



Ocimpulu eci kacatavelele ku Yesu, pahe acahayovoka.



“Pwaina Huku walekesa ocihola cae kwontwe; pweeci Kilisitu etunkila kekulusu musimbu anko tuli mononkali.” —Ovalomanu 5:8

**AVEHO VANA VATAVELA KOMONA
WAHUKU VENA OMWENYO WAHAPU**

13

“Mokonda Huku wahanda unene ouye, wayeka Omona WaE Wongunga, okuti ou utavela KwaE kanki, pwaina umona omwenyo wahapu.”

—Njwau 3:16

“Oe wetu hukulula kononkono mbepuputu, etutwala mouhamba wOmona waE ehole. Omona utuhukulula nokutwevela kononkali.”

—Ovakolose 1:13,14

“Okuhukululwa” cinoñgonoka okuti twalandwa Iya vali.



“Pwaina o anju,
yahololokela ovakai aiti:
‘Mwahawelei owoma.
Njicii okuti mwovola
Yesu ou wapapelelwe
kekulusu; muno kemo,
mokonda watutila, ngeeci
eci popile. Enjwei mutale
apa anko apakwa.’”

—Mateu 28:5,6

YESU WATUTILA KONONKYA

15

“Ame ame una wokuna omwenyo; nankile pahe njina omwenyo wovicita novicita vyomanima. Njina osapi yononkya noyomotu-pya.”

—Ehitululo 1:18

“Mokonda Ame njina omwenyo, nonwe mukakalavo nomwenyo.”

—Njwau 14:19b

Mokonda Kilisitu watilisa ononkya pahe una osapi yambo, ontwe katusukisa vali okumbunkya owoma.

“Anko kweya cimwe ciwelesa owoma, njiyumba ontumbi mwove.”

—Osalumu 56:3

(Mbutalwa pasina 46 omilao vya Huku.)

YESU UPONDOLA OKUKUYOVOLA, NGWE UKAHI NOKUKWITILAKO

“Mokonda Yesu ukalako apeho, naco upondolavo okuyovola apeho vana vokuya ku Huku menyina IyaE. Oe ukalela vala okuveitilako ku Huku.”

—Ovahevelu 7:24,25

OVE NAME TUPONDOLA OKUKALA NOMWENYO WAHAPU



Omo onjila paci ukahi
nokwendela?

Yesu Kilisitu oe ONJILA
YOMWENYO WAHAPU
na Huku.

Elyapu (Satana) oe
ONJILA YOKONONKYA
MBAHAPU.

Omona ou wakoya onjila yavyuka komwenyo wahapu.

EKOYA PACI UKALINGA?

17

“...Koyei hono olye mukalingililila...” —Suswe 24:15

“...Pahe koyei omwenyo oco onwe novana venyi mukakale nao.”
—Eitululo 30:19b

YESU OE ONJILA YOKWENDA KOMWENYO WAHAPU

“Nakumwe vali tukavasa eyovo, mokonda kombanda youye kutupu enyina ekwavo, lyayekwa kovantu okuti lipondola okutu yovola.”
—Ovilinga 4:12

“Ame, Ame, Tatekulu, kutupu vali o Muyovoli, omukwavo.”
—Isaiya 43:11

18 MOKONDA YACI TUNA YOKUKOYELA YESU ANKO TWAHANDA OKUKALA NOMWENYO WAHAPU?

1. *Kilisitu oe weile.*

“Ame neya opo mukale nomwenyo....” —Njwau 10:10



2. *Kilisitu oe wetuhanda nokutunkila.*

“...Omona wa Huku...wancanda, elipakula kombanda yange.” —Ovangalata 2:20b

Yesu wakalele omuntu wolutu nohonde ngontwe, **oco kononkya mbae,**
“...ahanyunineko una wokuna ononkono mbononkya, okuti Elyapu, nokuhukulula

**aveho veli koupika wononkya, oku onko vahapondola 19
okutundako.”** —Ovahevelu 2:14b,15

3. Ohonde ya Yesu vala ina epondolo lyo nonkali mbetu.

“...ohonde ipopila omwenyo kononkali.”

—Ovalevetiku 17:11

**“...ongo Ohonde yaYesu, Omona wa Huku, itukoha
kononkali ambuho.”** —1 Njwau 1:7b

**“Omu tuvasa ehukuluko lyo kweevelwa kononkali
mbetu.”** —Ovakolose 1:14



4. *Kilisitu Oe watutula kononkya.*

“Tweci noñgonoka okuti Kilisitu watutula kononkya, kakankya vali, mokonda ononkya mbutupu vali epondolo naE.”

—Ovalomanu 6:9

“Kilisitu wankila aveho opo ava vena omwenyo vehelikalele kohalwavo, pwaina vakalela Ou wevenkila noku vetutilila.”

—2 Ovakolindyu 5:15

“...Ngeeci Ame njina omwenyo, nonwe mukakalavo nomwenyo.”

—Njwau 14:19b

**5. Tuna yokukala nEspilitu Iya Kilisitu oco
tukatutile nokukakala nomwenyo wahapu.**

21

**“Kilisitu watula mwoonwe, ekevelo Iyo ulombe
Iyounañgana.”** —Ovakolose 1:27c

**“Anko mwonwe mukala Espilitu Iyauna wokwatutilisa
Yesu, pahe ngooco una wokwatutilisa Yesu Kilisitu
ukavela omwenyo omalutu enyi okunkya, menyina
Iya Espilitu una wokuli mwonwe.”** —Ovalomanu 8:11

**KOLELA OKUTI ESPILITU LYA KILISITU
LIKAHI MWOVE**

“Anko umwe utupu Espilitu ya Kilisitu, hawaeko.”
—Ovalomanu 8:9b

**“Pahe Yesu aeta
ovana pekolo
veyambeka omake
okuvekanena
onkano ongwa.”**

—Maluku 10:16



Ombimbiliya yati Yesu uncole unene.

“Pahe Yesu waihana ovana okuya popepi yae ati: ‘Yekei ovana veye kwame, mwehevecilikei, mokonda Ouhamba waHuku owaava vekahi ngovana ava.’” —Luka 18:16

“Tate yenyi, ukahi keulu, kahande okuti omona umwe upeseka.” —Mateu 18:14

Kacasukisile ovelye naapa ukala, Yesu ukuhole tupu wekunkila. Yesu tupu uhandanda ocihola cove. Ove upondola okulekesa ocihola cove ku Yesu pokumutavela.

“Yesu ayawisako okupopya: Anko onwe muncole tavelei ovitumino vyange.” —Njwau 14:15

“Omona ulilekesila kovipuka alinga; kovilinga vyae upondola okwiimbukwa anko ontate haiye ondalalwa.” —Omihe 20:11

ONJILA YOKWENDA KU HUKU IVASIWA ÑGENI?

1. *Tavela okuti umukwankali (uhole okutomba Huku).*

“Aveho vapengesa avatundu mounañgana va pelwe na Huku.”
—Ovalomanu 3:23

2. *Kwende ku Huku menyina Iya Yesu Kilisitu.*

“Ocili kuna Huku wike vala nonkala kati ike vala, okuti oe Yesu Kilisitu pokati ka Huku novantu.” —1 Timoty 2:5

“Oco apondolela hono na apeho, okuyovola ovantu vokwenda ku Huku mokonda IyaE. Yesu ukalela apeho oku veitilako ku Huku.”
—Ovahevelu 7:25a

Yesu wati: “Ou wiya kwame nii hikemwanya.” —Njwau 6:37

3. *Livela kononkali mbove.* (Okulivela cinoŋgonoka “Okulivela unene okusapo onkali”.)

“Livelei amupiluluka opo ononkali mbenyi mbwevelwe.”
—Ovilinga 3:19

“Tatekulu wapwa elundo nonwe, kahande okuti umwe uvomba, pwaina aveho vahika kokulivela.” —2 Petulu 3:9

4. *Popya ononkali mbove kuYesu.*




26 Momintinda vyopombwelo honeka ocintimbu ca
1 Njwau 1:9 civasiwa pomankanya elikwambelo pasina
25.

5. Saapo ononkali.

**“Ou uholeka ononkali mbae, elao keke limona;
pwaina ou umbuhlolola noku mbusapo, ukavasa
onkenda.”** —Omihe 28:13

“Tunda kocivi linga ociwa.” —Osalumumu 37:27a



“Ocili onwe mwayovolwa nocali caE, mokonda yekolelo, kacadundile kwonwe, pwaina ocali ca Huku; hanovilingako, oco umwe ehelipande.”

—Ovaefesiu 2:8,9

6. Okutavela ku Yesu Kilisitu.

27

“Anko ove upopya nomulungu wove: ‘Okuti Yesu oTatekulu, pahe komutima otavela okuti Huku watutilisa Yesu, ove ukayovoka.’”

—Ovalomanu 10:9

“...Tavela ku Tatekulu Yesu Kilisitu oco uyovoke neumbo lyove.”

—Ovilinga 16:31b

28 7. *Tambula Yesu Kilisitu momutima wove
nomomwenyo wove.*



Ove vala upondola okuyelula
epito lyokomutima wove
nokukonga Yesu opo anyingile.
Oe wati: **“Ame njikahi
nokutotola kepito. Anko umwe
wiva ondaka yange
anjelulilapo, njinyingila
atukalya nae.”**

—Okuhololola 3:20

**“Aveho vemutambula
nokwemukolela weveavela
epondolo lyokukala ovana
vaHuku.”** —Njwau 1:12

OCILEKESA CELIKWAMBELO

29

Anko nii welikwambebele konyima, iya usukisa ekwateso oco ucilinge, upondola okukwama elikwambelo eli pombwelo ngocilekesa:



**Tatekulu Yesu njikuhole,
Napandula eci wankila
kekulusu oco umpole ononkali
mbange. Nelivela unene kweci
aciho nalinga capenga. Njikwiita
okuti unyingila momutima wange
nokukalamo apeho. Pahe
njiyumba ontumbi mwove oco
usukule omutima wange.
Njikutambula ngomuyovoli
wange.**

Menyina Iya Yesu, Amé.

30 NA YESU MOMUTIMA WOVE UNA OMWENYO WAHAPU

“Iya oumbangi waco oyou: Huku wetwavela omwenyo wahapu, iya omwenyo waco uli mOmona waE. Una Omona wa Huku, unavo omwenyo; wehena Omona, utupuvo omwenyo.” —1 Njwau 5:11,12

“...Ou wiva onondaka mbange atavela kwou wantuma... utunda kononkya eya komwenyo.” —Njwau 5:24

Cina olutu lwove lunkya, mukahi umwe Tatekulu (2 Ovakolintyu 5:8). “...Kilisitu watula mwoonwe, ekevelo lyo ulombe lyounañgana.” —Ovakolose 1:27

Anko waita ku Yesu oco ekwevele ononkali mbove nokutavela ku Tatekulu Yesu Kilisitu ngomuyovoli wove, honeka enyina lyove pombwelo apa:



Tanga ovitumbu vye Mbibiliya (Ondaka ya Huku) onontiki ambuho nokuviyungila momutima nokukoneka ovintumbu vipondola okukukwatesako. (Ovinyingi vivasiwa mokalivulu aka.)

“Ovihonekwa Vikola aviho vyafiminwa na Huku; visukisa oco vilongeswe, nokupona onkali, nokuviyula, nokulongesa onjila yavyuka yokukala.” —2 Timoty 3:16

POPYA NA YESU MELIKWAMBELO APEHO WAHANDELA

Pandula Yesu kovipuka aviho oviwa vyokukala. Muhilivika kucina ekulingila pokwayovola omwenyo wove. Likwambelela aviho wasuka navyo. Likwambelela menyina Iya Yesu.



“...anko tumwiita cimwe, konkenda yaE, utwiiva.” —1 Njwau 5:14b

“Anko mwitila ocipuka cimwe menyina lyange ku Tate, Oe ukemwavelaco.”
—Njwau 16:23

“...Liitilei pokati...” —Tyaku 5:16

“Itilei vana vemuyele.” —Mateu 5:44

ELIKWAMBELO YESU ALONGESILE OVALONGWA VAE

33

(Omulongwa omuntu una ukwama Yesu.)

Yesu wapopilile ovalongwa vae oco velikwambele ñgana:

“Tate yetu, ulikeulu, enyina lyove lihilivikwe, ouhamba wove wiye, eci wahanda cilingwe pahi ngeeci cilingwa keulu. Twavele okulya kwetu kwonontiki ambuho. Twevelevo ononkali mbetu ngeeci twevela ononkali mbava vetuyele. Wehetuyeke tulaviswe, pwaina tuyovole kouvi, mokonda ouhamba owove, ounene owove, omunkimo owove onontiki mbahapu. Amé.”

—Mateu 6:9-13

Elikwambelo eli lina yokukonekwa. Vana vokutavela, apeho velipopila peulu, okuliwana wana.

**34 EKWII LYOVITUMINO VYAHUKU
VITULONGESA OÑGENI TUNA YOKAKALA**
(Ekatukilo, kapítulu 20)

Vikwana vyatete vipopya ocihola cetu na Huku.

- 1. Wahapake ovikahuku ovikwavo komaiho ange.**
- 2. Wehelilingile ovilolo vyahongwa oco uvihumbe.**
- 3. Wahatumbule enyina Iya Huku Tatekulu yove nesanda.**
- 4. Hinangela ontiki yocasapalo (oyo ontiki yepululuko) oco wihilivike.**

Epandu vyokwahulila vipopya cokulihole pokati.

- 5. Humba ho na nyoko.**
- 6. Wahakaipae.**
- 7. Wahakalinge oumbalehi.**
- 8. Wahakavake.**
- 9. Wahatendeleye mukwenyi.**
- 10. Wahafeve camukwenyi.**

Okutavela Huku ceeta omakumbululo komalikhwambelo etu.

“Aciho tumwita, tucipewa naE, ceci tukoneka ovitumino vyaE, nokulinga eci ehole.”

—1 Njwau 3:22

Okuhole Huku

1. “Yesu wakumbulula okuti: ‘Handa Tatekulu, Huku yove nomutima wove auho, nohande yove aiho nonondunge mbove ambuho.’”
—Mateu 22:37

Okuhole wopopepi yove

2. “Cavali casukisa unene celifwa nocatete oceci: ‘Handa mukwenyi ngeeci ove mwene ulihole.’”

—Mateu 22:39

Ovitumino aviho ekwii (momafo 34 no 35) vyahonyekelwa movitumino vivali ovinenepo vali.



“Ocilae co cihola”

37

(1 Ovakolindyu 13:1-8 & 13)

¹ Ame nampila njipondola okupopya omalaka aeho apopiwa pahi nokeulu, pwaina njitupu ocihola, onondaka mbange ñgeno mbakala ngomuvyelo wonkwino pamwe owongenjo. ² Nampila njipondola okukala nounongo wokupopya onondaka mba Huku, nokunoñgonoka omahuviso aeho, nokukala nounoñgonoko wovipuka aviho vyaholama; nokukala tupu nekolelo enene, livila okuhondolola ompunda, pwaina, anko njitupu ocihola, hisilivila. ³ Nampila njipondola okwava aciho njinaco, anji kwamesako okupakula olutu lwange oco luyokwe, pwaina, anko njitupu ocihola, hisilivila.

⁴ Ocihola okwapwa elundo okuhole ovanu. Ocihola hakukalako nehpa pamwe oukwelume hakulipakako hakulihapa.

38

⁵ Ocihola kacililingi omapita, citupu ocipululu, kacinumana liwa kacikwatela onkongo. ⁶ Ocihola kacihambukilwa eci cehesungako, pwaina cihambukilwa ocili. ⁷ Ocihola cimona emone, citavela, cikevelela cikonja novipuka aviho. ⁸ Ocihola kacivombo pwaina ounongo wokupopya omalaka ahanoñgonokelwe kaukakala ehimbwe. Ounoñgonoko nao ukahulila.

¹³ Oco pena ovipuka evi vitatu: ekolelo, ekevelelo, nocihola. Ocinene vali puvyo ocihola.

HUKU OCIHOLA

“...Huku Ocihola. Ou ukalakala mocihola upangela mu Huku, ongo Huku apangela mweE.”

—1 Njwau 4:16b

YESU UHANDA OKUTI UPOPILA VAKWENYI 39



(meumbo konjwo
yokulongesila, kokapela,
hacampangu tupu)

**“Yesu kemutavelele
wemutile n̄ga: ‘Kweende
keumbo lyove, kakale
novenyi, okevehipululila
aciho Tatekulu ekulinga,
neeci ekwetela
okankenda.’” —Maluku 5:19**

40 OÑGENI TUNOÑGONOKA OMONA WAHUKU WOCILI?

“Pahe ngeeci kovilinga vyavo ovalongesi vomatutu
mukeveimbuka.” —Mateu 7:20


“Pahe ongo ovinyango vya Espilitu ovyevi: Ocihola, ehambu,
etuliyo, ounankenda, olwembya, ouwa tima, etavelo, esilivilo
nokuliyunga.” —Ovangalata 5:22-23

OMONA WAHUKU WOCILI WEEVELA VAKWAVO

“Mokonda anko mweevela vakwenyi vemulinga omapita nonwe,
Tate yenyi, ukahi keulu, nae ukemwevela.” —Mateu 6:14

OVIPUKA EPANDU VALI HUKU EYELE

“Omaiho okwatomba, elaka lyonkembu, omavoko amomesa
ohonde yaava vetupu ohasa, omutima ulinga onompango
mboundinga vivi, onompai mbupulukuta okuhatekela kocivi,
ombangi yomatutu, tupu ikuna ononjaya pokati kaava veli
metavelo like.” —Omihe 6:17-19




OVILINGA VYOKOLUTU

41

“...umbalehi, ovipengi, okutukana, okufenda onondele, owanga, okuliyele, okulicindacinda, oonki, ononyengo, okulwa, okapungulula, omatutu, oundingavivi, onkwelume, ehipa, ounkolwa, okulya unene, novipuka ovikwavo vyelifwa nevi...ava vevilinga kavakapiñgana Ouhamba wa Huku.” —Ovangalata 5:19-21

“...ovalume vokulala novalume vakwavo, ovimpulu, omunumini wokufeva....” —1 Ovokolindyu 6:9-10

YEKA YESU EKUYULISE NESPILITU LYAE NOKUKUKOHA
 “Vamwe pokati kenyi vakalele novituwa evi, pahe mwasukulwa, mwakohokeswa...menyina Iya Tatekulu Yetu Yesu Kilisitu, onkalakati Espilitu Iya Huku.” —1Ovokolindyu 6:11



(Tanga Luka 16:19-26)

Cikolela okuti ukahi nokuyumba ontumbi mu Yesu Kilisitu. Ongo ukahoneka enyina lyove mElivulu lyOmwenyo.

“Omanyina ava vahahonekelwe melivulu lyomwenyo vakayumbwa metala lyotupya.”

—Okuhololola 20:15

**YESU OE VALA ONJILA YOKWENDA
KU HUKU**

43

**“...Huku wetwavela omwenyo uhapu, ongo omwenyo ou
uli mOmona wae.” —1 Njwau 5:11**

**“Ceci onjambi yonkali ononkya, pahe ocali ca Huku
omwenyo wahapu muTatekulu yetu Yesu Kilisitu.”
—Ovalomanu 6:23**

**“Watavela mOmona ukamona omwenyo wahapu; pahe ou
wahatavelele momona kakamona omwenyo, ngwe
onyengo yaHuku ikakala nae atee tee.” —Njwau 3:36**

**“Yesu wakumbulula ati: ‘Ame njinjila, njicili, njimwenyo.
Nawike wenda ku Tate, ahakwata mwame.’” —Njwau 14:6**



Memonekelo Iya Njwau kOkuhololola 21 ongo wamwene eulu epe nohi ompe.

“Ukasekuna ononkuka momaiho avo; kakukakala vali ononkya, ni omililo ine onongembya, ceeci ovipuka vyatete vyapwa; ou wapumpama kocipundi wati: ‘Ame manjipilulula ovipuka aviho.’”

—Okuhololola 21:4-5

Njwau tupu wamwene epundaumbo ewa no Yelusalema ompe vituluka meulu kontele yaHuku. **“...epunda-umbo lyaco olyoolu lyelipwa okwavyuka, lyelifwa novitulu. Nonompanji mbocimato caco ombomatepo omalumono omamanya okwavalela elikalaila.”**

—Okuhololola 21:18,19

**YESU WAKAVYUKISA ONOMPANGU
MBAVANA AVEHO VEMUTAVELA**

45

“Omitima vyenyi vyahasukalale. Tavelei ku Huku, tavelei tupu kwAme. Meumbo lyaTate muna ononpangu ononyingi. Manjikemuvyukisila onompangu. Anko hacoko ñgeno hemupopilile, anjikondoka okuya okumuwana okuti apa Ame nkakala nonwe opo mukakala.” —Njwau 14:1-3

POPILA VAKWENYI ONONDAKA OMBU ONOMPE

Yesu ati: “Kwendei kouye auho, kapopyei ondaka kovantu aveho.” —Maluku 16:15

“...wokuyawisa kocifwe covataveli omunoñgonoki.”

—Omihe 11:30b

“...Hikuyeke nii hikuyekepo.” —Ovahevelu 13:5

“Mokonda Huku ukatuma onoanju mbae, mbukekuyunge
kononjila mbove ambuho.” —Osalumu 91:11

“...nawike upondola okukemupola pomankanya aTate.”
—Njwau 10:29

“Ame manjikakala nonwe onontiki ambuho aloo
konculilo youye.” —Mateu 28:20b

“Mwahakalei nowoma wovipuka mavimu-
monesa emone....Kalei onondalawa
nampila muna yokunkya; pahe, ngonjambo
yokwaponapo, Ame njikemwavela
omwenyo.” —Okuhololola 2:10

“Nganjikala n̄goo mepuputu, ocitei
cange oTatekulu.” —Mikeya 7:8

“Kalavanja kwame, Ame njikekutavela....”
—Selemiya 33:3



Aveho vakatutula kononkya.

“...Ikahi nokufenainapo ovola yovantu aveho vokulimo maendo vakaiva ondaka yaE; vokwalinga nawa vakatutula komwenyo, vokwalinga oma pita vakatutula kononkya mbahapu.”

—Njwau 5:28,29



Vokwankila mu Kilisitu vakatutula tete.

“Pahe ontwe vokufima, tukahumpulwa pomakaka, kumwe naE, oco tukelivase na Tatekulu meulu, pahe ngooco tukakala na Tatekulu apeho.”

—1 Ovatesalonika 4:17

“...Talei nawa, lungukei; mokonda kamucii olupi otembo yaco maiya.”

—Maluku 13:33

MEKEYA ÑGENI YESU?



“Ongo mekeya mekaka ovanu aveho vekemumona.” —Okuhololola 1:7

Lungukei kovalongesi vokukemba ca Kilisitu.

“...Anko umwe umuti: ‘Ohamba uli apa ine uli oko,’ mwahatavelei.... Pahe, anko vemuti: ‘Uli apa mekongola!’ mwahayeiko. Ine pahe avati: ‘Waholama pompangu imwe,’ mwahatavelei.”

—Mateu 24:23,26

YESU MEKEYA OCIHUPU MOMAKAKA MEULU.

“Ngeeci omulyakulo utunda koutundilo aukatoma koutakelo oco cikakala okwiya kwomona womuntu.... Ovilongo aviho pahi vekemumona omona womuntu ukeya nomakaka meulu nononkono ononene nehilivikwa.” —Mateu 24:27,30

OCIIMBO COMUNTITA OMUWA

(Osalumu 23)

- ¹ Tatekulu omuntita wange, nacike cinkambela.
- ² Umpululukisilwa pelisilo lyeholi lyatalala. Nokuntwala pomaande ekahi nawa. ³ Tatekulu umpaka vali ononkono. Nokuncongolela monjila yavyuka, ngeeci apangale.
- ⁴ Nampila njenda mokwantikovele kononkya, hikakala nowoma nacike, pahe ove, Tatekulu Huku, ukahi name; ove unjakulila nokuncongolela. ⁵ Umbyukisila ocinene covikulya apa ononjale mbange mbumonena. Ove untambula ngomukongwa wontilo; oyulisa olufwo lwange alumomena pahi. ⁶ Nawa nawa ouwa wove neholelo vikakala naame apeho. Pahe keumbo lyove, Tatekulu, nkakalako onontiki ambuho mbomwenyo wange apeho.

Opo pamoneke onokopiya mbumwe vali, mba ambavo, tuhonekele moci ingilisa:

World Missionary Press, Inc.
P.O. Box 120
New Paris, IN 46553-0120 USA

Kapewa ocali - kakalandeswa.

www.wmpress.org

4-15

2314 Nyaneka WTG